


# Ratusan ubur-ubur api terdampar di Pantai Teluk Bidara

SH/28.01.24/M/S 29



**Ubur-ubur api yang ditemukan terdampar di Pantai Teluk Bidara, Dungun.**

**KUALA TERENGGANU** - Ratusan ubur-ubur api atau nama saintifiknya Portuguese Man O' War ditemukan terdampar di Pantai Teluk Bidara, Dungun.

Menurut laman sosial rasmi Pusat Rujukan dan Repositori Laut China Selatan (RRC), hidupan itu dijumpai alumni Sains Marin Universiti Malaysia Terengganu (UMT) sebelum menghubungi Kurator Kanan RRC bagi mengesahkan spesies ubur-ubur tersebut.

"Berdasarkan laporan, lebih 100 ubur-ubur dijumpai terdampar di sepanjang pantai.

"Difahamkan orang ramai masih bermain pasir di pantai itu dan tidak mengendahkan bahaya serta risikonya walaupun terdapat ratusan ubur-ubur.

"Pemantauan perlu dilakukan memandangkan masih ramai kurang kesedaran mengenai bahaya spesies hidupan berkenaan," kata kenyataan itu.